

《中國地方志薈萃》編委會 編

中國地方志薈萃

西南卷·第一輯 拾



江西人民出版社

JJXJCHUPRESS | 全國百佳圖書出版單位

中國地方志薈萃

西南卷·第一輯

拾

《中國地方志薈萃》編委會
編



九州出版社
JIUZHOU PRESS

全國百佳圖書出版單位

《中國地方志薈萃》編委會

主任委員：

邵理家

李雲江

劉慧

劉潔萍

委員： (排名不分先后)

邵理家

李雲江

劉慧

劉潔萍

薛飛

張晨

安曉東

徐桂霞

潘復泰

曾磊

總

目

錄

第一冊

嘉慶成都縣志

嘉慶雙流縣志

同治新繁縣志（一）

第二冊

同治新繁縣志（二）

嘉慶溫江縣志

同治大邑縣志

第三冊

嘉慶彭縣志

嘉慶華陽縣志（一）

第四冊

嘉慶華陽縣志（二）

同治巴縣志

第五冊

嘉慶新都縣志

道光新都縣志

第六冊

嘉慶什邡縣志

同治續增什邡縣志

道光德陽縣新志

第七冊

同治德陽縣志

第八冊

乾隆灌縣志

光緒增修灌縣志

一

二九八

五〇九

一

一六四

三五八

一

一七二

一

三四二

一

二二五

一

三五〇

四七六

一

一

一八〇

總

目

錄

第九冊

雍正江油縣志

一

道光江油縣志

三二五

雍正劍州志

五一七

第十冊

同治仁壽縣志

一

同治仁壽縣志

出版說明

同治仁壽縣志

(清) 羅廷權等修 馬凡若纂

本書十五卷首一卷，據清同治五年（一八六六）刻本影印。

仁壽縣志序

仁壽縣治之設自周秦漢
魏以迄於今其間稱名既
異而建置之地與隸屬之
州郡又多不同故山川人
物及古蹟之所在往往錯
出非合前代之書參互
考訂不足以傳古即不足
以信今也嗟矣我

朝深仁厚澤太和翔洽凡生

斯世者無不共登於仁壽
之域是以山川鍾靈人物
茂豫或於數年間應瑞而
生者以久而益積茲壽
隆綱舉目張欲以垂諸久
遠則甚賴於有志而縣志
之修所繫者為綦重也余
於同治四年謁遂歸仁壽
令到省奉委署石泉縣
事觀其舊志以為采輯

而增補之六閱月即卒
回任以是不果比至斯邑
遠值修志初成凡為志九
一一皆成卷帙急取而閱
之斯邑毘連十三州縣幅
員寥濶而一覽之餘大略
已在胸中至於食貨禮教
諸志又復釐然可考而一
山一水一櫓一碣綴以古
今雜詩夫志之綴以詩也

於他志不概見斯志之有詩
或亦以備將來之採風歟
志之成秉筆則馬伯枚
先生鑒室則前任羅鑑平
先生漢鉅卿先生志中
體例已畢述矣余又何言
於竊以邑中之山川形勢
民情風俗之所閱而食貨
禮教諸志則又以古以今
為治之本源所繇出者也

不盡其故則雖日事誌於
於堂而曰為軍之道已在
是豈將所以洞然而徹於
心乎時余將巡歷各鄉
於斯邑地方所以細加審

視其與志中必有歷不
爽者因幸斯志之成余
尚得逢其盛事用并數
言於篇首

同治五年十一月山左

王履興茅園氏撰



仁壽縣志序

治縣有譜志一譜也輿地之所在食貨之所繫禮教之所垂武衛之所周防選舉之所奮興以及人物茂止藝文炳如古今勝蹟前後歷官莫不徵實考信於志乎在仁壽經舊志新志後垂三十年前令羅鑑平先生謀三修之秉筆付之前慶符縣訓導邑孝廉馬伯枚先生伯枚蜀老名士其爲志也九潔而賅嚴而精確一切瑣屑奇怪爲志餘余下車急欲歲事公餘細加鑒定用付剞劂庶覽者得所徵信云同治四年十二月江左掇卿濮

仁壽縣志
卷首序

琮撰

仁壽縣志序

余以同治二年癸亥秋七月奉檄署仁壽縣事甫下車取縣舊新志觀之舊志如初脫稿草創大段搜引宏富新志藝文刪去稍多山水亦不甚確溯查又歷二十餘年無志中之典禮武廟並文昌宮均升中祀學額賑法公局鄉團人物諸大端增加於舊又自咸豐十年十一年來李逆竄境兵刑工房案卷悉火何論三鄉一切久且湮沒無傳比冬兩奉 藩憲劉札開重修四川通志飭縣造志賁送縣繁難又初擾後剔弊剝蠹休息又一年餘既修復

仁壽縣志
卷首序

二

聖廟 武廟 奎閣昭忠祠成隨以考棚餘地無案

証據舊志載恭詳縣士紳有修志之請四年乙丑斷以舊新志合道光戊戌以迄同治甲子二十九年事故徵之在官在民都爲一志會前慶符訓導邑孝廉馬伯枚先生引疾還山有年一以筆削之權付之伯枚蜀都名宿與余爲大挑同年其主修縣志體例精嚴敘次明潔純乎史筆抑識力爲獨到已公餘一一鑒定命縣人鐫板印紙播諸將來以備考證云同治四年歲在乙丑三月古滇羅廷權鑑平氏撰

仁壽縣志序

縣舊新志二舊志叛於姚一如先生而李太初先生成之事在嘉慶六年道光丁酉馬夢九先生踵爲新志今又二十九年年前大憲以修通志令於縣時羅鑑平先生視縣事先生某同年方年餘翕然稱治縣人故稟請某主修縣志先生作內江故修內江志既廣元將修廣元志旋署仁壽迺毅然隆禮聘某是用三修都爲一志終同治四年乙丑某則謬焉秉筆於舊新志頗有增損更正體例所不敢仍志史也非信有徵不書所謂討古

仁壽縣志

卷首序

三

宜密引今宜嚴義例宜慎辨論宜確簡而明疎而不漏俚言質事各以類從宜存警訓古者七十子不與筆削筆削而魯史逸乃爲縣志始輿地奠官民也然後官之政教民之生聚斯出次志食貨云養次志禮教云教猶未也又禦亂有武衛志又興賢有選舉志於是乎獻可考矣人物斯志文可徵矣藝文斯志若乃勝蹟志焉一縣之大何不有無關治體之要官名志焉一縣之治咸所事用知去後之思凡九志中載

上諭

宸翰部頒所以示尊崇終之曰志餘者固存而不論意也

此三修志大指抑其爲志九也舊志不載分野若沿革則可詳疆域山水爲城池關津所由設而官署公局鄉甲場砦橋在焉形勢附圖附則有戶口不可不爲之所保甲附由是物產斯出田賦未加若其鹽政雜課三費肉釐附捐輸畱支驗解書役費規附均未爲民間病而備荒則有倉儲贍窮則有養濟加惠則有蠲卹權宜而爲社田賑法抑又一道濟倉田查封田社倉田養濟田三費田附大典朝賀迎春若壇廟祀典所垂凡社稷壇

仁壽縣志

卷首序

四

風雲雷雨山川壇先農壇耕藉附聖廟崇聖祠四配十二哲兩廡先賢先儒名宦鄉賢忠孝昭忠節孝祠附武廟後殿附文廟後殿附城隍廟龍王廟火神廟呂真君廟厲壇及雩祭崇祭救護日月不得與羣祀比若旌表風教所係凡舉人坊進士坊郎官坊黃門坊光祿坊丞相坊及節孝烈婦貞女孝子義夫坊百歲五世同堂坊不得與他坊比二者皆列禮教與宣講

聖諭十六條申明亭明倫堂學規學額鄉飲酒禮書院書院田附義學經費附考棚演武廳賓興杏林庄附宗祠

風俗同志營制鋪遞皆兵團練皆民經常變所不廢合之以居以食以教皆官民重大事而薦辟進士舉人貢生之蔚起於養教之餘亦其自然之勢諸生行伍俊秀吏員附人物除現在該報貞節孝義外蓋棺論定若名臣宦業儒林文苑孝友愚孝附忠節行誼義夫隱逸仙釋方技耆壽列女諸人論列誌銘附藝文志已故縣人之文現在縣人非是縣人不與其有關一縣之地之人事與非縣人關縣之作同載本條作據更不以藝文論亦無論其人存否若已故縣人書目詩文正不於縣

仁壽縣志

卷首序

五

關係特其筆墨精靈信今傳後擇其尤雅數篇所謂文獻名邦勝蹟亦足不朽如遺址碑坊磨巖樓閣園亭塔祠寺冢墓器象無久近皆成古蹟縣前代職官不同國朝宰官爲知縣教官典史汎弁咸同城官異蹟附是九志小目例也若夫舊乘存疑先賢軼事遠矣天文譁焉祥瑞反乎常而災異逢其變而禍亂以至神怪茫茫報施鑿鑿流傳舊矣爲志餘總爲卷十五共一千百餘頁卷首目錄二頁原序五頁新序六頁卷末跋五頁非靳勝舊新志草創未就鑑平先生調成都縣接署

濮矩卿先生更相鑒定歲事時同治四年八月伯枚馬凡若撰

仁壽縣志

卷首序

六

仁壽縣志序 李惺代

馬君夢九輯仁壽縣志釐爲八卷其曰新志者別乎舊志而名之也一志耳何以有新舊則亦唐書之例也唐書爲劉昫所撰自宋祁修之而新舊以分志雖與史異然古曰郡書或曰都邑簿其源皆出於史氏則志與史固無異也仁壽之有舊志權輿於姚一如方伯而成於邑令李君太初事在嘉慶年間迄今已三十餘年矣馬君之言曰舊志年代多舛名宦人物亦間有遺漏至於水利其轆轤謬戾也尤甚然則新志之作又烏能已乎

仁壽縣志 余首序

夫後人非靳勝於前人而前人不能無待於後人者何也有所絀也舊志亦井井有條理而缺畧紕繆之弊不一而足難稱完善今得馬君爲之訂其僞而補其罅則後人實有功於前人而爲之前者其亦可以無憾也夫馬君有幹局其治邑事也如其家事而此志之修尤有裨於治理蓋一邑雖微至舉地方之利病風俗之淳澆與夫官於斯者之孰賢孰否欲使之有所觀感是必使之有所考鏡而志則得失之林也人心之所以正政教之所以成未始不由於此余懼夫弊弊者之第以簿書

期會爲能而於制治之原或概乎其未有聞也爰書此以應馬君並以爲來者勗焉道光戊戌周貽徽序

仁壽縣志 余首序

仁壽縣志序

陞任觀察姚一如先生乾隆五十四年知縣事纂邑乘未及成書越十餘年余權縣篆其友邵治塘將原纂稿示別有數百條於人物尤詳不兩月用發新創備書欽

奉

宸翰

御製

上諭

恩詔及部頒各祀典冠首乃若星象非一邑之專照亦天

仁壽縣志

卷首

九

文所當秘密者祥異之惑民寺觀之崇淫祀皆所無取土產擇其有關於邑者書之風俗隨長吏爲轉移苟喪葬婚娶不合乎禮儀又非所以風世也藝文各附其類編經籍槩乎藝文矣原纂標書名雙行續纂實所疑備一家作同纂學博嚴廢唐姚芝礎縣尉孫君達邑孝廉汪天懷鄧邁皇劉青選共參焉嘉慶七年京山太初李元書

仁壽縣志序

縣之置始自後魏而改普甯爲仁壽則在隋時其後或屬陵州或屬成都府至我

朝改屬資州固西蜀之名區也

國家仁風翔洽休養生息歷百數十年田疇之懇闢戶口之殷繁官師人物之才者能者與夫鄉賢潛德閨閣幽貞誼諸掌故零落莫詳焉夫周官土訓掌道地圖以詔地事誦訓掌道方志以詔觀事蓋將使來者有考也守土而不畱心志乘甯非闕歟京山渾齋李君以南充宰

仁壽縣志

卷首

十

權仁壽事甫下車卽修葺文廟經理鄉賢祠墓嫻於吏治政通人和謂邑不可無志取舊纂續纂之衷陳編添新得參考互訂粲然美備詳搜何文續虞忠肅之紀傳而忠烈長昭備錄孫葆光韓子蒼之詩詞而遺音不墜慨通志之多誤也爲之正三隅山之名闕落馬巖之誣辨蟠溪赤水之實爲一流稽始建廢縣之當屬仁邑於選舉則核宋時之籍貫於人物則補李新員興宗之姓名若此之類余向嘗見及之而刊僞正謬渾齋言余之所未言實言余之所欲言也昔司馬溫公嘗稱宋次

道長安河南二志雖因韋述舊記而詳不啻十餘倍歎
 爲博物書余其敢追蹤韋述哉若渾齋之書誠博物矣
 壽之梨棗昭示將來自茲陵陽文獻庶有徵乎抑余更
 有念焉邑處崇岡積巘之間幅員遼廣深賴循良之吏
 躋民於仁壽稽戶版當知撫綏之匪易也覽塘堰當籌
 水庸之盡復也策科名覩習俗當思禮教之宜先而振
 興之宜力也凡此用心已寓於渾齋意園一記卽景會
 神緣情立政此中有真意生斯宦斯者不皆可以意逆
 耶余旣樂觀新志之克成竊愧曩者所纂之多疎陋也
 仁壽縣志 卷下 序 十二

是爲序嘉慶八年癸亥雲間姚令儀并書

仁壽縣志目錄

卷一

輿地志 沿革 疆域 附形勢 山水 附壩洞石 城池 官署 關津 圖附

卷二

食貨志 戶口 附保甲 物產

卷三

食貨志 田賦 鹽政 雜課 附三費肉釐 附倉儲 附濟倉 支 附驗解書役費規 倉儲 附濟倉 田查 封田 社倉 田三費田 養濟院 附 養濟田 附賑飢 蠲政

卷四

仁壽縣志 卷首目錄

禮教志 朝賀 迎春 祀典 宣講 附申明亭

卷五

禮教志 明倫堂 書院 附書院田 義學 附義學經費 鄉飲酒禮 考棚 演武廳 賓興 附杏林庄 坊表 宗祠 風俗

卷六

武衛志 營汛 舖遞 團練

卷七

選舉志 薦辟 進士 武進士 舉人 武舉 貢生 附諸生 行伍俊秀 吏員

卷八

卷九

人物志 名臣 宦業 儒林 文苑 孝友

卷十

人物志 忠節 行誼 義夫 隱逸 仙釋

人物志 列女

卷十一

藝文志 書目 前代詩文

卷十二

藝文志 國朝詩文

仁壽縣志 卷一 目錄

卷十三

勝蹟志 遺址 碑坊 磨崖 樓閣園亭塔

卷十四

憲官志 前代職官 國朝知縣 教官 典史

卷十五

志餘 存疑 軼事 天文 祥瑞 災異 賊亂

仁壽縣志卷一

輿地志 沿革 疆域 附形勢 山水 壩洞石附

沿革

禹貢梁州之域漢犍爲郡武陽縣東境屬益州部

李元注縣在周爲蜀國地秦爲武陽縣地縣治在今

彭山縣東十里距蜀郡百餘里當屬蜀郡漢高帝分

巴蜀置廣漢郡武帝分巴廣漢置犍爲郡縣始改隸

孝昭帝犍爲郡治移武陽東界資中西抵臨邛北接

廣都南通南安盡今仁井眉彭四州縣地今西北境

仁壽縣志 卷一 輿地志

廣都也

晉置西城戍

晉孝武太原中益州刺史毛璩置西城戍以爲捍衛

梁置懷仁郡天監中立席郡

西魏置普甯縣蒲亭縣屬懷仁郡普甯縣爲州郡治置

和仁郡平井貴平可曇三縣後周置陵州置籍縣廢可

曇平井二縣入貴平

隋開皇三年罷席郡爲籍縣以普甯屬陵州十年置始

建鎮十八年改普甯曰仁壽縣大業初廢籍縣入貴平